

PUKKE!
vir al u kleurbaadjies
**Johan Claassen
Broers**
(Edms.) Bpk.
Tel. 3612,
POTCHEFSTROOM.
Kerkstraat 92.
Tak: Tomstraat 100.

die WAPAD

Amptelike studentekoerant van die P.U. vir C.H.O.

In U lig sien ons die lig.

JAARGANG XXIX

VRYDAG 7 JUNIE 1974

Nr. 9

**CACHET
APTEEK**
Groot genoeg om u te
bedien.
Klein genoeg om u te ken.
★
**DIE
STUDENTE-APTEEK**

GROOT TAAK WAG OP ONS JEUG

„DAAR lê baie werk vir die jeug van Suid-Afrika en in besonder die Afrika-
ner jeug voor in die jare wat kom. Veral die veelvuldige aard van Suid-
Afrika leen hom daartoe om die eerlikheid en beginselgegrondheid van die
jeug in sy benadering tot hierdie probleme te toets.

Tog kan die Afrikaner stu-
denteleier die toekoms gerus
en optimisties binnegaan. Dit
was die opsomming waartoe
daar gekom is aan die einde
van vanjaar se A.S.B.-Studen-
teraads- en Besturekamp.

Die Studenteraads- en Bestu-
rekamp is vanaf 23 tot 25 Mei
naby Warmbad aangebied. Die
kamp wat as 'n groot sukses
beskryf kan word, is deur R.
A.U. aangebied en het as tema
„Suid-Afrika in die jaar 2000
gehad.

KOORNHOF

Die inleidingstoespraak is
deur dr. P. G. Koornhof, minis-
ter van Sport en Ontspanning
gelewer tydens 'n amptelike
ete. Hy het veral gewys op die
besonder gunstige minerale
vooruitsigte van Suid-Afrika
vir die dekades wat voorlê.

Verskeie huidige en toekom-
stige brandpunte en knelpun-
te is gedurende die naweek be-
handel. Die toekoms van die
Kleurling en Indiër in Suid-
Afrika was die eerste onder-
werp onder bespreking. Naas
die referate wat deur die A.S.
V.S. en Goudstad gelewer is
het mnr. Rabie, Transvaalse
leier van die Kleurling regeren-
de party, ook aan die bespre-

king deelgeneem en interes-
sant op vrae geantwoord. Sy
antwoorde en sekere standpun-
te het laatnagbesprekings uit-
gelok.

Die bevolkingsposisie en
groeï in Suid-Afrika is deur
R.A.U. gehanteer met spesi-
fieke klem op die jaar 2000.
Dit was veral insiggewend om
die verskillende bevolkingspro-
jekties vir die jaar 2000 te
bespreek.

STAAT

Die laaste twee onderwerpe
het handel oor die staatkun-
dige posisie van Suid-Afrika,
intern en ekstern asook oor
Afrikaans-Engelse verhoudinge.
Veral die eerste onderwerp het
hewige bespreking uitgelok
waar ons in die toekoms met
moontlike onafhanklike tuis-
lande te doen gaan kry. Same-
werking met ons buurstate in
Suidelike Afrika op 'n breër
grondslag en selfs op 'n vaster
grondslag is as nie uitgesluit
beskou nie.

Verskillende kampsusse het
kort inleidings oor sekere on-
derwerpe gelewer waarna daar
in vier groepe verdeel is vir in-
formele groepsbesprekings. As
gespreksleiers het proff. Willie
Esterhuyse, Flip Smit, Ben

Piek en ds. Paul de Beer op-
getree.

Ongeveer 45 studente-
leiers het die kamp bygewoon en
meeste A.S.B. geaffilieerde sen-
tra was verteenwoordig. Mnr.
Piet Strauss, die A.S.B. presi-
dent, asook die Studenteraads-
voorsitters van R.A.U., U.O.V.S.,

★ Vervolg op bladsy 2 Kol 5



IKEYS SE SR-BESLUIT MAAK OPSLAE

OPSLAE is verlede week aan die Universiteit van Kaapstad gemaak toe die
Studenteraad besluit het om rugbyspelers van die universiteit te verbied om
aan die wedstryd tussen die besoekende Leeus en die Suidelike Universitei-
te deel te neem op grond daarvan dat spelers van die Universiteit van Wes-
Kaaipland nie vir die studentespan in aanmerking kom nie.

Spelers wat hierdie besluit
verontagsaam sal nie aan die
einde van die jaar vir ere-
kleure in aanmerking kom nie.
Die universiteit se studente-
blad „Varsity” beskuldig sul-
ke persone daarvan dat hulle
„... wish by their own selfish
and individualistic non-con-
cern to lower the name and
the dignity which this univer-
sity prides itself on...” (Var-
sity, 27.5.1974).

Of hierdie voorval saamhang
met 'n omvattende Nusas-
offensief, soos enkele nasio-
nale nuusmedia dit wou hê,
is nie nou ter sprake nie. Die
kortsigtige en onsaakkundige
wyse waarop die poging aan-
gepak is, is dalk van veel
meer betekenis.

In hul oorywerigheid en een-
rigtingdenke het die agitators
nie daaraan gedink om seker
te maak of die rugbyklub van
die U.W.K. enige aanspraak
kan maak op betrokkenheid
by die toer van die Leeus nie.
Die stand van sake is egter
dat die toer gereël word deur
die Suid-Afrikaanse Rugby-
raad. Die rugbyklub van die
U.W.K. het verlede jaar weg-
gebreek van die Suid-Afrikaan-
se Rugbyfederasie, wat geaf-
filieer is by die Suid-Afrikaan-
se Rugbyraad, en aangesluit
by die Suid-Afrikaanse Rugby-

unie. Tegnies gesproke kan
rugbyspelers van U.W.K. dus
hoegenaamd nie aanspraak
maak op insluiting in die
span van die Suidelike Univer-
siteite nie, en val die Ikey-
plan dus klaaglik plat op hier-
die punt.

Om die situasie dus op te
som: 'n Ambisieuse plan ly
skipbreuk as gevolg van 'n
blatante flater in die strategie
beplanning. Alles dui op kort-
sigtigheid.

Om ambisieuse planne te
maak is lofwaardig, maar die
knoop lê gewoonlik by die
praktiese deurvoering daar-
van. In hierdie geval het die
betrokke party(e) duidelik il-
lustreer dat hulle tekortsiet
in hul praktiese denke.

Nou bereik ons die punt
waar ons wil wees, politiek en
die Engelstalige universiteite.
Politiek word gedefinieer as
die wetenskap van die praktiese.
As hierdie persone se on-
beholpenheid in die praktyk
dan hierdie eenvoudige plan-
netjie so 'n knou kon toedien,
waarop grond hul hul aanma-
tiging om 'n regering te wil
voorskryf hoe om hul land te
regeer.

Die ironie in die saak sou
lagwekkend gewees het indien
dit nie so pateties was nie.
Die indruk word geskep dat

dit maar net nog 'n voorbeeld
van die hipersensitiwiteit van
die jongmens oor sy pas be-
reikte volwassenheid is. Dit is
nou daar en omdat hy nie
mooi weet wat om daarmee
te maak of hoe om dit te
hanteer nie, word hy maklik
die speelbal in kwaadgesinde
hande.

Dit sal miskien goed wees
as hierdie mense wil beseft dat
daar 'n groot verskil is in

grootmens wees en grootmens
speel.



CHRIS POIRÉ

Lekker naweek

**HORDES Kowsies en Tukies en RAUties, om van
die Onderwyskolleges nie eers te praat nie, was al
daar toe die Pukke Vrydagaand by Klein-Kariba,
waar die naweek se A.S.B.-Aktueelkursus gehou
is, aankom.**

Gelukkig het die min Pukke
wat daar was darem genoeg
sout rondgestrooi om hulle-
self te laat geld, en veral by
die dinge soos saam lag, sêr
en grappiesmaak was die Pukke
weer besonder tuis.

Daar is min dinge wat so
stimulerend is as daardie lek-
ker uitmeekartrek-in-n-groep,
oor en weer spelery met be-
grippe soos multi- en bilate-
rale skakeling, demokratise-
ring en alles gepaardgaande
dinge. Daar is gekyk na ons
skakeling met NUSAS en
SASO, en besluit dat dit tog
maar nie die moeite werd is
om ons met hulle te bemoei

nie, aangesien hulle eensydig
bly vassteek in hulle minder-
heidssiening. Daar is algemeen
besluit dat die enigste suk-
sesvolle manier om andersta-
liges op die oomblik te be-
reik, akademiese skakeling is,
aangesien dit 'n gemeenskap-
like faktor op alle kampsusse
is! Marius Ackerman van Tuk-
ies, prof. S. C. W. Duvenage
van die P.U. vir C.H.O., en
prof. Jannie Pieterse van U.P.
het ons onderskeidelik in die
volgende goedgekose volgorde
gelei: Vrydagaand het ons
eers insig gekry in die studen-
tepolitiek in Suid-Afrika, ook
★ Vervolg op bladsy 5

Cine Puk
TOTIUSSAAL — P.U. VIR C.H.O.
'N KINEKOR-STER-MGM TEATER

LEKKER ou toetsweek vir die B.A.'s, Farmakolo-
gie-mondeling en alle rampspoedighede wat 'n
student maar aan kan dink sal julle sê.

Nou ja, moet nou nie in die
ellende bly lê nie, dit sal baie
meer help om Vrydagaand in
die Totiussaal te gaan kyk na
„The Fall of the Roman Em-
pire”, 'n flik om 'n mens 'n

bietjie te laat nadink oor ons
eie tyd.

Marcus Aurelius, wat ge-
speel word deur Alec Guin-
ness, was keiser in 180 tot 161
v.C., en hierdie drama beeld
Rome se aftakeling vanaf die
hoogtes van hulle beskaving
tot in die diepste ellendes van
korrupsie en burokrasie uit.
Sophia Loren blink weer uit
in die rol van Lucilla, die dog-
ter van die Keiser, en teenoor
haar speel Stephen Boyd, die
Militêre Tribuun, Livius. An-
der bekende name is James
Mason, Mel Ferrer en Chris-
topher Plummer. Voorwaar 'n
indrukwekkende rolverdeling!

Die Bult
Aptek / Pharmacy
Noordbrug Aptek (Edms.) Bpk.

★ VIR AL U APTEKERBENODIGHEDE . . .
... ONS KEN U BEHOEFTE

Direkteure: Prof. M. C. B. v. R. v. Oudshoorn (L.A.V.)
Voorsitter: Dr. A. P. Goossens (L.A.V.); A. C. Dreyer
(B.Sc.-Far.) (L.A.V.) en Andries G. Coetsee (B.Sc.-Far.)
L.A.V. (Besturend).



Van slaaiblare na pomelo's

BRR, die winter kruip steeds nader, en bibberend word daar naartiglik gesoek na baadjies, rompe, langbroeke en alles wat warm maak. Ja, en soos 'n dief in die nag, lieue asters, word 'n ekstra porsie vleis of 'n bakkie stomende nagereg weggeslaan „om warm te maak”.

Ken ons dit nie? Daardie hongerpyne wat jou van twaalfuur af begin terroriseer, en wat in die snerpande koue net gestil word deur daardie ekstra skeppie. Maar mens, as jy weer so 'n slag loer...? Nee, sowaar, kilogramme

swaarder... Wat nou gedaan? Gryp nog 'n stuk beskuit en sluk dit af met 'n beker stomende milo... „EK HET VET GEWORD...”

„Môre, net môre, gaan ons op 'n dieët, die voortdurende geknaag moet onmiddellik 'n einde kry!

Manne, en as julle ons sien sukkel met 'n sak pomelos, van die Bult se kant af, „Moenie oplaai nie, seblief!, ons het oefening nodig.”

Eet maar net vleis, slaai, drink glase water, al is dit so koud jy kan sjerf, onthou, dis alles die moeite werd. Vergeet van daardie growwe brood wat so kraak onder jou tande en daardie heerlike warm nagereg by die etenstafel, om nie te praat van sjokolade vir energie nie!

Hou jou doof as die snoepie roep, en vertel jouself dat vleispasteie, „hot dogs”, kofie en beskuit, lelike knoppe en bulte op jou heupe maak.

Al die kastyding, maar as jy wil maer word moet jy vas-

byt, en -hongerly. Die olie-dieët, melk-en-piesang-dieët, eiers-vier-maal-'n-dag, pomelos, verslankingspille help alles niks... Hongerly ou susie... dis al wat help...!

ASTERS, ons weet almal wat se stryd dit is, want elkeen van ons, ja, selfs die maers-tes, sukkel met 'n knop of twee drie. Deur net korrek te eet, jou nie te vergryp nie, bly jy steeds slank, en lenig en as die lente hier is, en as jy wel 'n kilo of twee opgetel het, byt jy net 'n week vas, en vergaan van die honger, die gevolg... jou skelm porsie nagereg was die moeite werd!

Vir die een van julle wat lyk soos geraamtes waardeur die wind suis, die manne hou darem van 'n sagte meisie, vat hy jou om die lyf, wil hy hom nie verongeluk in jou knoppe-rige ribbes nie.

Geniet die paar weke wat oor is, vat die akademie en voedseltjies vas — vir jou eie „vreetsaamheid”.

MY MEISIE - JOU FIGUUR EN EK

MY lieue Meisie, — Kom luister vanaand hier in die maanlig na my, want groot woorde gaan gesprek word. Vergeet nou eers jou kalorieëkaart, „10-days-crash-dieët”, appel-elke-maaltyd, en luister na my!

Hoekom kla jy dat jy oor-gewig is? Of is dit net 'n manier om my aandag op jou slanke postuur te vestig? Jy weet baie mense kla met die witbrood onder die arm, en ek dink baie keer jy maak ook so. 'n Skraal slanke figuur is jy mee bedeed, nou waaroor al die klagtes? Wees baie dankbaar daarvoor.

Meisiekind, kyk 'n bietjie rond wanneer jy weer oor die kampus stap. Hoeveel ander asters is daar tog nie wat wel rede het om te kla nie, maar hulle doen dit nie! Hoogs tevrede met hulle lot, want hulle geniet elke ete van die dag. Hoe lyk dit, wil jy nie maar vir hulle jou verslankingsmetodes aanbeveel nie? Asseblief tog!!

Wanneer ons so al geselsende gedurende sleeptyd hier op die kampus rondwaal, sien ek hoe dwaal die manne se oë. Elke aster se figuur word gemeet en geweeg. Daar word dan hardop gedink of kan sy nie meer eet nie, of kan daardie een dalk nie aan die hongermarathon deelneem nie. Jy weet vir ons manne is 'n mooi figuur darem regtig pragtig, maar wanneer dit darem te maer is, is dit afskuwelik.

Hoekom... as jy geskape is om nie soos Twiggy te wees nie, wil jy graag soos sy lyk? Neewat, dit is darem te erg. Ek weet almal kan nie ewe slank wees nie, maar dink jy nie dat ons meer tevrede moet wees met hoe ons is, as om ons dood te bekommer oor hoe ons sal kan wees na ses maande se hongerstaking nie...?

As ons daardie lekkers en sjokoladekoek wat ma gestuur het, en die koeldranke 'n bietjie meer links laat lê, gaan die figuur nie méér daarby baat as wat hy 'n hongersnood sal moet verduur nie? Ek dink die asters wat regtig die probleem het, die kan jy help met al jou metodes en diëte. Laat die vetties so 'n bietjie krimp, maar asseblief moenie jy jouself wat 'n goeie figuur reeds het, nog verder gaan staan en uitteer nie.

Jy vra vir my wat die ideale figuur is? Solank jy 'n mooi figuur het, is ek tevrede, maar gou sal ek vir jou sê wanneer dinge begin handuit ruk.

En nou... vir jou vriendinne wat te „mollig” is — sê vir hulle verslanking is nogal goed, maar om te oordryf is baie, baie sleg vir die gesondheid.

Totsiens my meisie, lekker slaap en soete drome oor 'n mooi slank figuur wat jou tien uit tien sal besorg by die manne.

Puk-man.

★ WENKE

1. Dra 'n jas oor jou langbroek wat te nou is.
2. Skoktaktiek... stem saam met jou vriendin as sy sê sy het vet geword... Dit werk.
3. Vir die laat akademiese nagte... drink milo met twee lepels suiker daarin, beskuit na smaak... en kyk wat gebeur. Jou sleep word vervang deur 'n slerpande kilogram.
4. Hope energie in blokke sjokolade, kan berge versit; Pas op om net nie self in gedrang te kom nie.
5. Vir die wonderlikste rolle om die middel, besoek gereeld die bakkery.
6. Jy verlang wel huis toe, maar is dit nou nodig om die hele blik koek te verslind wat moeder gestuur het?
7. Die beste manier om te protesteer teen die bejaarde brood aan tafel, is om alles op te eet.



(Foto: Fotokuns)

Kan jy verstaan?

KAN jy verstaan dat ek nou, na alles, dit die meeste koester wat jy lankal nie meer is nie.

Miskien omdat ek dit ook nie by enigiemand anders vind nie. Ek dink dit is die ergste: Hierdie waarheid dat die ekstase oor jou maar 'n wanbeeld was wat ek self geskep het, en self vermoor het deur my té hoë verwagtinge.

Ekskuus vir die onreg wat ek jou aangedoen het, deur jou in die hokkie van my droom in te forseer. Dit is goed dat jy daar uitgeklim het toe dit te nou geword het vir jou manwees, al het jou uitstap die pienk valletjies van my poppeteater afgeskeur.

En nou kyk ek weer na maande na jou, soos wat jy blykbaar self wil wees, ook vir haar. Hoe kan ek dan tog nog dom bly wonder oor die ver-

siersuikerkorsies van my mistasting!

Liefde is...



om maar te word vir horn!

Ek raak oor lap bewoë

Ek raak oor lap bewoë: Dofbruin ruite radar op my vel

Nuutwol strepies skiet soos in 'n fliek vas en terug teen die stofdeksel van my onthou.

Treë terug! Jou pak weerkaats grof teen my wang en ek word bang vir lengte wat weer moet verlep.

Ansjovis broodstrooitjies

BESTANDDELE:

Twee snye brood.
Twee eetlepels Ansjovis.
Twee eetlepels botter.
Een hard gekookte eier.

METODE:

Meng ansjovis, botter en vernippende eier.

Sny brood in dun skyfies van 75 mm. (verwyder korsies).

Smeer vulsel op die strooitjies, en bak by 400° vir ongeveer 5 — 10 minute.

Smul lekker!

* Veelv. van blad 1 P.U. vir C.H.O. en Stellenbosch het die kamp bygewoon. Mnr. Willem Doman, voorsitter van Stellenbosch, was namens die A.S.V.S. by die kamp.

Die Saterdag na die amptelike verrigtinge is die kamp afgesluit met 'n „spannende” rugbywedstryd en 'n braaivleis. Die A.S.B. en R.A.U. kan geluk gewens word met hierdie geslaagde projek.

Die Puk was verteenwoordig deur Pieter Mulder, Paul Kruger, Thys Labuschagne, Japie Robbertse, Carel van Heerden, Ineke Lindhout en Nienie Langenhoven.

Redeneer maar ook, ... ag, niemand sien dat ek nie gereeld my voete versorg nie, dus waarom soveel moeite doen, as dit somer is het ek genoeg ergenis om te sorg dat my voete soos my hande lyk, waarom nou daarvoor bekommer? Aai, ASTERS, en dis so verkeerd. Besef dat 'n nuwe paar voete nie te huur, te koop, of inruilbaar is nie.

Pure mishandeling die verwaarloos in die winter. Netjiese voete en enkels kan net so eties mooi wees as jou hande — nog meer, want mooi voete is 'n rare artikel.

Gesonde voete is klaar halfpad mooi, die ander helfte sit 'n mens met 'n pedikuur daarby.

'N BIETJIE RAAD!

1. Was deeglik, borsel naels met 'n sagte borsel, en skuur die growwe velletjies met 'n puimsteen af in warm water.
2. Masseer nou handroom of olie in jou voete in.
3. Druk naelvliessies met 'n lemoenstokkie terug.
4. Knip naels reguit met 'n naelknipper. Onthou 'n ovaalvorm is 'n ope uitnodiging vir 'n ingroei toonnael — eina!
5. Verwyder oortollige room, maak naels skoon, en vyl growwe kantjies met 'n amarilstokkie.
6. Verf nou jou toonnaels van die basis af tot by die punt, en dan ook net onder die punte, want die gladheid beskerm jou kouse. Laat droog word en wend nog 'n laag aan.

Gebruik gereeld 'n talkpoeier of 'n voetpoeier en vir daardie wintersvoete: Haal die warmwatersak uit die bed voordat ingedui word tussen die lakens, moenie naby 'n warmer sit nie, en spoel jou kouse elke aand uit.

Voete reageer op aandag, en teen die sandaal-dra-tyd, lyk jou voete net so mooi soos goedversorgde hande en naels — 'n weerspieëling van waarlik vrou-wees.





Ai, hoe laat die Akademie ons nie terugverlang na Karnaval nie!

THABA JÄH

JA, wat sal 'n mens nou sê. Daar gaan nie juis veel aan nie. Die akademie is besig om van sommige mense senuwee-wrakke te maak en daarom is die nie-akademiese bedrywighede vir 'n rukkie skynbaar op die agtergrond. Sterkte aan al die manne wat al 'n paar vuurdope moes deurmaak en vir diegene vir wie dit nog wag.

Nogtans is daar vele interessante figure hier by ons wat die lewe elke dag interessant maak. Kyk nou byvoorbeeld vir „fighter pilot”, elke keer as die ekeklok lui slaan die arme seun langs sy lesse-naar plat. (Wat gewoonte nie alles met 'n ou kan doen nie). Dan is daar ou Piet, nee dit is nie 'n menslike inwoner nie

maar 'n rare bederfde verskyn-seltjie. Al die ander ouens hardloop nou hulle tekkies deur om nog meer van hierdie piete in die hande te kry. Wat dit is? Vind maar self uit. Ons het 'n paar kyalami aspirante ook, net jammer die baan was 'n bietjie vol gate, anders het hulle dit moontlik tot by die wensstreep gemaak. Die simpel Arabiere het hulle probeerslag in die wiele gery omdat die olie skielik klaargeraak het. Soos gewoonlik studeer die eerstejaar nie, lê mos naweke by die huis, toemaar daar wag 'n groot verrassing vir julle.

Volgens die skoenmerke Kulu toe, gaan dit ook voor die wind, veral die manne met die minis en die mantas. Baie geluk menere, hoop net daar is sjampanje op die huis.

Ai tog, die manne gaan vir 'n sakvol dae bosveld toe en al wat hulle mee terugkom is 'n oortrokke bankrekening

en 'n paar bottelproppe. Die ander stories glo ons nie. Ag wat, so tussen die onderlinge probleme en amusan-te voorvalletjies is die manne reg om weer groot dinge aan te pak nadat die akademiese reus verslaan is. Sien julle weer.

HET U
AL
INGESKRYF
VIR
KARNAVAL
'74
SE
MOTOR-
KOMPETISIE?

KASTEEL

GEGROET Pukke, ons koshuis staan nog, al het ons so lank laas van ons in die Wapad laat hoor. As julle die rede wil weet hoekom — ons is te bang om uit die koshuis te kom want straks verdwaal ons tussen al die sand, of kry ons mol-komplekse van al die hope. Die sandkarweiers het 'n besondere gawe om te weet wanneer die toetse aanbreek, dis net dán dat hulle altyd met hul werksaamhede begin. Soveel so, dat ons die sand van ons akademie moet afvee om te sien wat daar staan. Maar nou ja, wat sal ons kla daaroor, niemand gaan tog luister nie.

Daar is nou eers 'n belangrike misverstand wat ek uit die weg wil ruim. Ons mede-pukke weet nog nie watter een van die baie kastele nou juis ons kasteel is nie. En vir julle inligting, hier is net een Kasteel op die plaas. Die een wat heel eerste gebou is. Die een tussen Fort en Vergeet-my-nie. (Die een met die meeste sandhope op die oomblik). Die een bestaande uit blokke J. K. F. en G. Die enigste een met die naam Kasteel. Dis ons groot wens dat julle asseblief sal onthou!

Dis met opregte belangstel-

ing dat ons uitsien na die einde van die toetstyd, want die akademie beleef ook hier by ons, soos oral op die kampus sy bloeityd. Ons kan dit twalig glo, maar dit is ook net die akademie wat in sulke ongunstige omstandighede sal floreer.

Na die twee lekker lang, rustige naweke, sien ons al klaar weer vooruit na die vaksansie. Ek kan nou nie sê dat die langnaweke besondere uitwerking of oplewings gehad het nie, behalwe dat ons intussen verbied is om verarmers en ketels aan te hou. Oor die ketels voel ons al sleg, maar die verwarmers — lieue medeverklumende Kasteelers ons sal ons maar moet terugwend na die warmwater-sak-era.

En so van die watersakke na die Parlement, dis vir ons nuus om aan julle mee te deel dat Loamie Steyn se Pa as Senafor aangewys is. Ons spog nie graag met ons prestasies nie, maar dit is mos haar Pa, en nie sy nie.

Nou maar mense, ons groet julle eers vanuit ons sandgeteisterde koshuis, en ons hoop as ons weer gesels, het ons al herstel van die akademiese slagting.

SKUUR

MET al die koue en Akademie het ons Skuurmanne darem nog nie doodgeryp nie, al voel ons soms om winter-winter te speel. Sterkte aan al die manne wat so met die Akademie worstel. Onthou net om nie akademiese wrakke te word nie.

'n Groot dankie aan al die ouers wat so mildelik vir ons Rugbyfonds bydraes gestuur het. Dit is elke Skuurman se plig om sy vader te bedank (indien hy 'n bydrae kon gee), dus laat ons dit aan julle oor. Een van die dae pronk ons manne in nuwe vere... Ou Retief, ons almal sal jou mis as kaptein. Sterkte vir Saterdag aan al ons Skuurspanne.

Geluk aan die Suidwes-elftal (of is dit vyftal?) wat die „S.A. elftal” in Skuur se „naweeksokker” so opgedreun het. Baie geluk en sterkte ook aan ons landlopers wat weer 'n pad oopdraf vir die ander om te volg.

Uit betroubare bron verneem ons dat Percy nou al begin soek na 'n meisie vir die einde van die jaar se dinee. Davé sê glo hy sal jou help, mits jy hom weer help, Percy! Ons kan maar net sterkte sê!

Ook verneem ons dat Wentzel 'n kamermaat bykry. Confucius sou gesê het: „Een is genoeg!”

Skuur maak binnekort sy tweede Kantien oop in gang ses. Dit sal glo 'n feestelike geleentheid wees, met propies wat klap en geld wat rol. Ons soek nog 'n naam vir die kafee. Die gelukkige wenner sal twee toffies van eie keuse wen.

Dan sien ons natuurlik ook uit na die koms van SKUUR se eerste SKUURDER vir 1974. Hy sal glo binnekort verskyn, want hy is vir 1974 beplan, of hoe, Johan?

Manne, sien julle by die koshuisvergadering op 17 Junie. Moenie vergeet om te kom trompetter by die rugby nie.

KOSHUIISKOS(SIES)

Kaskenades

PUKKE, hulle sê 'n goeie artikelskrywer moet die vermoë hê om altyd iets nuuts lewers op te diep. Om julle tevrede te hou, het ek bietjie in die advertensie- en berigwese gedelf, en kyk net wat is die resultaat:

- 1) NOTICE: This is a notice to notice that if you notice this notice — able notice to notice, you will notice that this notice is a notice to notice.
- 2) Pasop vir die hond — dat u hom nie doodtrap nie.
- 3) Niemand mag op Woensdagmiddae klasdraf nie... Indien hierdie reël oortree word, sal dit opgehef word.
- 4) BERIGGIE: As gevolg van swak spel, haal Jan Ellis nie die Springbokspan nie.
- 5) Confucius sê: Voor in die wapad spark 'n torch. (Met erkenning aan die Vaderland.)
- 6) 'n Kat het ook sewe vrouens...
- 7) BERIGGIE: Henri 7 het deur sy eie pogings die populasie van Brittanje met 40 000 vergroot.
- 8) Die voordeel van plaaslewe bo studentwees, is dat die koeie en kuikens nie gedurig inkom en jou oorreed om brug te speel as jy lewers wil swot nie.

Daar hê jy dit!

— Au revoir, OOG.

J.S. PUKKE, ek weet julle dink nou net aan swot, want as ware studente ken julle jul plig. Maar is dit nodig dat jul blad so kaal moet wees?

ONGELOOFLIK!!



OF DIT NOU KARNA-
VALTYD OF INTER-
VARSITYTYD IS
— ONS MO-
DES BLY
BYDER-
WETS

MOET NIE JOU PROFFIE JOU IN ONS MODES LAAT SIEN NIE —
DALKIES GEE HY JOU 'N SLAAGSYFER REEDS IN JUNIE MAAND.

Die nuutste op die mode front!
(Soos geillustreerd)

Fancy That!

TRUSTBANK -
DEURLOOP
POTCHEFSTROO

DIE KLEIN
WINKELTJIE
IN DIE HOEK

SPORT

P J KKE RUK REG, KLOP STRATHVAAL

Pukke wen Dorp
sukkel-sukkel

VERLEDE Woensdag se Neserbekerwedstryd tussen die Pukke en Dorp was omtrent net mooi die omgekeerde van die wedstryd van drie weke vroeër tussen die twee klubs. Waar die studente die vorige keer teen die einde gevou het, was dit hierdie keer Dorp en waar die vorige wedstryd die aanskoulikste spel voor rustyd opgelewer het was dit hierdie keer in die tweede skof die geval.

Die Pukke het met 14-3 gewen nadat die twee spanne rustyd nog 3-3 gelykop was. Die punteverskil in die Pukke se guns is veral te danke aan twee mooi drieë deur regtervleuel James Claasen wat gekom het toe Dorp se verdediging te stadig opgegaan en ietwat uit posisie was. Willie de Bruin het vir die wenspan twee strafdoele bygevoeg en Piet Bruwer het Dorp se drie punte met 'n strafdoel aangeteken.

Oor hierdie wedstryd moet daar maar in kort sinnetjies gesels word. Dit het nie naastenby dieselfde hoogtes as die een van 8 Mei bereik nie, daarvoor was die onderbrekings te veel. Meestal was dit skrumme, lynstane, skoonvange en aanslae wat plaasgevind het. Strafskoppe was daar ook oorgenoeg.

Die Pukke het verreweg die meeste met die agterlyn probeer aanval, terwyl Dorp se loskakel Johan Reinecke weer sy span met skoppe binne trefafstand probeer hou het. Afgesien van die twee keer toe Claasen gaan druk het, was daar nie juis beheersde driekwartbewegings nie.

Die grootste gedeelte van die wedstryd is tussen die voorspelers beslis. Hier het die Pukke in beide die los as die vaste spel die grootste regenskap gehad. 'n Paar molle-loskrums is deur hulle uitgevoer wat Dries Swanepoel n staat gestel het om met reekslae uit die handboek vorendag te kom.

Albei spanne het grootliks

verskil van die vyftientalle wat aan die eerste ronde deelgeneem het. Van die „nuwelinge” was Dries Swanepoel en James Claasen aan die Pukke se kant die grootste sukses en Danie Swanepoel aan Dorp se kant.

Willie de Bruin was die teurstelling van die wedstryd. Op die aand se spel is hy deur Dorp se heelagter Piet Bruwer oorskadu.

Die verdediging aan weerskante was goed. 'n Man met die bal is nie toegelaat om ver te vorder nie. Onder die voorspelers was daar kort stormloope afgewissel met dryfspel wat nie sonder bekoring was vir die rugbykenner nie. As 'n groot wedstryd kan dit egter nie bestempel word n'e

VIR die Pukke was hul groot oorwinning van 28-3 oor Strathvaal Saterdag op Stilfontein die hoogtepunt van die seisoen tot dusver. Net toe dit begin lyk het asof hulle maar afgeskryf kan word, het die kentering ingetree.

Tog mag dit te laat gewees het wat die Neserbeker betref. Klerksdorp is hulle vier punte voor op die punteleer en om dit te haal sal nie maklik gaan nie.

Niemand het so 'n reuse-sege voorsien nie; trouens mens het 'n nederlaag vir hulle in gedagte gehad omdat Strathvaal op bykans gelyke voet met die Wes-Transvaalse kampioenspan, Klerksdorp, is. As sulks moet die uitslag as die verrassing van die jaar beskou word.

Nou is daar vir die Pukke nog 'n sprankie hoop om die Neserbeker te deel. Om dit te kan regkry moet hulle op 19 Junie met Klerksdorp afreken, hul oorblywende wedstryd in die liga wen (wat heeltemal moontlik is) en hoop dat die span van Johan Higgs in een van sy wedstryde wat voorle die wind van voor kry.

Daardie neerlaag van een punt teen Rustenburg mag nog tussen hulle en die beker bly staan. Soos die Pukke Saterdag gespeel het, kan hul paar swakker vertonings hierdie seisoen moeilik met hul potensiaal versoen word. Speel hulle elke keer na hul vermoë sal hulle die praatjies dat Wes-Transvaalse rugbyspan vanaf Potchefstroom na Klerksdorp verskuif het, die nek inslaan.

Vir die Puk het Piet Roodt, Barrie Barnard en Hennie Saaiman drieë gedruk. Willie de Bruin wat weer dodelik geskop het, het twee drieë ver-vyf en met vier strafdoele geslaag.


Die studente se 1B-span was self aan die brand en het Western Reefs met Piet van Deventer, Jannie van der Merwe, Dawie van Schalkwyk en al met 11-4 oorrompel. Op hierdie trant kan hulle 'n uitspeelwedstryd teen die onderste span in die Nesar A liga afdwing. Drieë is deur Frans Barnard en Hein Mentz gedruk en Philip Burger het met 'n strafdoel geslaag.

JUNIORS
OORHEERS
LANDLOOP

NIE minder nie as ses Pukke is ingesluit in die Wes-Transvaalse Junior Landloopspan wat more op Stilfontein deelneem aan 'n interprovinsiale landloopbyeenkoms. Die span is verlede Saterdag gekies na afloop van die Wes-Transvaalse landloopproewe wat by die Wes Wits-klub op Carltonville gehou is.

Die ses Pukke in die span is: Jan Lubbe, Hans Seastadt, Kobus de Beer, Glen Cornelissen, Stanley Riekerk en Herman Nagel.

Daar is ook twee Puk-mans in die senior span. Hulle is Jorrie van der Walt en Johan Lichtelm.



ONS EERSTE
KARATE-BOK

Van die dertien Springbokke wat die Potchefstroomse Universiteit al opgelewer het, is Braam Peens (bo) die eerste karate-Springbok. Hy is vroeër vanjaar na afloop van die Springbokkarateproewe in Pretoria gekies om Suid-Afrika gedurende Junie en Julie vanjaar in die Filippyse-eilande te verteenwoordig.

(Foto: Sam Basch.)

Penkoppe pronk
op rugbyveld

AS 'N MENS na die tellings van die Puk se 0.20-vyftiental kyk, lyk dit eerder na 'n streep krieketo-orwinnings as na rugbywedstryde. Die jongspan is nog die hele seisoen besig om amok te maak op die rugbyveld.

Die 0.20A-span sowel as die 0.20B's het nog nie 'n wedstryd hierdie seisoen verloor nie. Die A-span se grootste oorwinning was teen Goldfields op Carletonville. Die tel-

ling was 78-0.

Tot sover het hulle al ses die ligawedstryde gewen wat hulle gespeel het. In die ses wedstryde is net sewe punte teen hulle aangeteken. Daarteenoor het hulle al 282 punte opgestapel.

Die volgende spanne het hulle reeds hierdie seisoen teen die Puk se penkoppe te pletter geloop: Adelaars (36-0), Weermag A (14-3), Weermag B (39-0), Pote B (70-4), Western Reefs (35-0), Goldfields (78-0), Klerksdorp (40-0).

Die span sal gedurende die wintervakansie aan die S.A.U. 0.20-rugbyweek in Port Elizabeth deelneem. Dan sal hulle ook 'n voorwedstryd vir die derde toets in die Baai speel.

Nie minder nie as twaalf Pukke het in die afgelope drie wedstryde vir die Wes-Transvaalse 0.20-span gespeel. Dat die Puk dus 'n gevaarlike bukkalf in sy midde het, is nie altemit nie.

Die Wapad word gedruk deur die Potchefstroom Herald (Edms.) Beperk, Olënlaan 11, Potchefstroom.



BO: Theuns van Rensburg stuur die bal na sy agterlyn in 'n wedstryd teen Klerksdorp verlede jaar. Klerksdorp is die huidige Wes-Transvaalse kampioenspan. Gaan die Pukke hulle onttroon? (Foto: Fotokuns.)

RESERWES, JONGSPAN
WEN MAKLIK

VERLEDE Woensdagaand het Dorp se tweede span sy eerste neerlaag van die seisoen gely. Die Pukke het hulle met 22-13 geklop.

Die studente het voor rustyd foutlose bewegings van stapel gestuur en 'n voorsprong van 18-0 opgebou. Voor halftyd moes hul regtervleuel Fielies Opperman die veld verlaat pas nadat hy met 'n dyspriesbesering en al 'n pragtige drie gaan druk het.

In die tweede helfte het Dorp stelselmatig teruggekom en hulle agterstand verminder na 13-18. Kort voor die eindfluitjie geblaas het, het Nico Kotzé egter die uitslag bo enige twyfel geplaas met 'n drie onder die pale.

Kotzé het alles gedoen wat van 'n kantman verwag word. Sy drie drieë het hom toegekom. Etienne Mathey het die Pukke se vyfde drie aangeteken terwyl net een drie ver-vyf kon word deur Toontjies Wagenaar.

Vir Dorp het Chris Cronjé en Hansie Geldenhuys gedruk en Nico Jooste het met 'n straf- en doelskop geslaag. Die Pukke se 0.20-span het

ondanks die eindtelling van 29-6 in hulle guns nie 'n eensydige vertoning gelever nie, want Dorp se derdes het mooi walgegool en soms sterk aan-geval.

Vir die Pukke is drieë deur Botha Maree, Markus Kruger, Lourens Geyer, André Rousseau en Jurie Potgieter gedruk. Sors Greyling het twee drieë in doele omskep en Manie van Jaarsveld een. Rousseau het ook 'n skepdoel be-haal.

Oubaas van Biljon het vir Dorp twee strafdoele in punte omskep.

MOTOLEK
Hierdie onderdele is
by u plaaslike
MOTOLEK
verspreider
verkrygbaar ...

POTCH SPARES
Lombardstraat 39,
POTCHEFSTROOM.
Tel. 6077, 4595.

ELECTRICAL PARTS FOR JAPANESE CARS & TRUCKS.
—ST